

GRAAD 11-12 EAT

VISUELE TEKSTE: ADVERTENSIES & SPOTPRENTE

DEUR JOLINE DE KLERK (CURRO DURBANVILLE)

VRAAG 1: ADVERTENSIE

Bestudeer die onderstaande advertensie uit *Beeld se Facebookbladsy* op 25 Julie 2022 en beantwoord die vrae wat volg.

A

Wiskunde-kompetisie

Graad 6 & 7 | Graad 10-12

Registrasie is oop vir
die grootste Afrikaanse aanlyn-wiskundekompetisie.
Staan die kans om **groot prysgeld** te wen!

Laerskool-Wenners Prysgeld ook vir skole!

1ste plek: **R15 000** 2de plek: **R10 000** 3de plek: **R5 000**

Hoërskool-Wenners

1ste plek: **R20 000** 2de plek: **R15 000** 3de plek: **R10 000**

Elke finalis wat in die finaal deelneem sal R1000 kontant ontvang!

REGISTRASIE sluit Woensdag **27 Julie** vir laerskole en Dinsdag **19 Julie** vir hoërskool.
UITDUNRONDTES: Graad 6 & 7 Donderdag **28 Julie**. Graad 10-12: Woensdag **20 Julie**.
Die **FINALE RONDTE** vind plaas op **29 September** (laerskool) en **28 September** (hoërskool).
Vraestelle word tuis op jou **rekenaar, tablet** of **selfoon** afgelê.

Registreer nou by www.cumlaudemedia.com
*Reëls en regulasies beskikbaar by www.cumlaudemedia.com | Vir verdere navrae e-pos wiskunde@cumlaudemedia.com

NETWERK24
DIE BURGER **Beeld** Volksblad

CUM LAUDE media

KnowBrainer ACADEMY

(Bron: <https://www.facebook.com/beeldaanlyn/photos/a.395778816432/10158615999961433/?type=3>)

- 1.1 Hoe trek die advertensie jou aandag? Noem twee tegnieke. (2)
- 1.2 Haal EEN woord uit **paragraaf A** aan wat daarop dui dat die kompetisie op jou rekenaar, tablet of selfoon geskryf gaan word. (1)
- 1.3 Haal EEN woord uit **paragraaf B** aan wat daarop dui dat jy die kompetisie **by jou huis** moet skryf. (1)
- 1.4 Op watter manier oorreed die advertensie jou om vir die kompetisie in te skryf? (1)
- 1.5 Waarom sal skole hulle top wiskundestudente vir hierdie kompetisie wil inskryf? (1)
- 1.6 Kan jou sussie in graad 8 ook vir die kompetisie inskryf? Motiveer jou antwoord. (1)
- 1.7 Wat moet 'n mens doen om meer inligting omtrent die kompetisie te kry? (1)
- 1.8 Noem een Afrikaanse koerant wat by die kompetisie betrokke is. (1)
- 1.9 Noem twee borge wat by die kompetisie betrokke is. (2)
- 1.10 Sal jy aan 'n wiskundekompetisie wil deelneem? Motiveer jou antwoord met 'n goeie rede. (1)
- [12]

VRAAG 2: SPOTPRENT

Bestudeer die onderstaande spotprent uit *Die Burger* en beantwoord die vrae wat volg.



[Bron: *Die Burger*, 7 Oktober 2023]

- 2.1 Watter tyd van die dag is dit in die spotprent? Verduidelik jou antwoord. (2)
- 2.2 Waarom sal die man moet kies tussen eiers koop of diesel koop? (1)
- 2.3 Wat noem ons die kledingstuk wat die vrou oor haar klere dra om te keer dat sy op haar klere mors? (1)
- 2.4 Watter visuele leidraad dui daarop dat die man se koffie nog warm is? (1)
- 2.5 Uit watter vertrek het die vrou pas gestap? Verduidelik jou antwoord. (2)
- 2.6 Kyk na die kat se gesigsuitdrukking. Hoe weet ons dat die kat nie ook bekommerd is soos die man en vrou nie? (1)
- 2.7 *Die Burger* lê op die grond. Watter tipe publikasie is *Die Burger*? (1)
- 2.8 Vul die ontbrekende woord in.
Die man is besig om die (...) van sy skoene vas te maak. (1)
- [10]

Visuele tekste: Advertensies & Spotprente – Graad 11-12 EAT, Joline de Klerk (bl. 41)

Vraag 1

- 1.1 Enige TWEE:
Die woorde wat groot gedruk is / die prentjies / die kleur / die verskillende lettertipes / die prysgeld wat jy kan wen. (2)
- 1.2 “aanlyn” / “aanlyn-wiskundekompetisie” (1)
- 1.3 “tuis” (1)
- 1.4 Jy kan geld wen. (1)
- 1.5 Die skool kan ook geld wen indien hulle leerders presteer. (1)
- 1.6 Nee, dis slegs vir leerders in gr.6-7 en 10-12. (1)
- 1.7 Jy moet ’n e-pos aan hulle stuur. (1)
- 1.8 Die Burger/ Beeld / Volksblad (1)
- 1.9 Enige TWEE: Die Burger, Beeld, Netwerk 24, Volksblad, Cum Laude media, Know Brainer Academy (2)
- 1.10 Leerderrespons. (1)
- [12]**

Vraag 2

- 2.1 Dis oggend, want die vrou is besig om ontbyt te maak. (1)
- 2.2 Eiers en diesel is albei baie duur. (1)
- 2.3 voorskoot (1)
- 2.4 Daar is stoom wat by sy koffiebeker uitkom. (1)
- 2.5 Die kombuis. Sy is besig om ontbyt te maak. / Sy het ’n eierspaan in haar hand. / In die agtergrond kan ’n mens potte, panne, ’n ketel en ’n yskas sien. / Sy het ’n voorskoot aan. (2)
- 2.6 Die kat glimlag. (1)
- 2.7 ’n Koerant (1)
- 2.8 vetters (1)
- [10]**